

紅羊
失聞

卷之三



序一

謹按常邑自咸豐十年八月爲洪軍光復。吾唐市鎮僻處水濱。未被兵禍。詎土匪乘機騷動。焚掠頻仍。先君乃隨侍先大父。避至董浜。遂被裹脅。日夜奔逐數日。里。靡續皖湘楚各省。閱兩載餘。始得歸。險阻艱難。備嘗之矣。先君嘗受業於先外大父張退齋先生。肆力於詩古文辭。被脅後。雖日事馳騁。猶吟誦不少輟。而速記一稿。亦即屬於倉皇戎馬之秋。及亂平旋里。每欲修飾而校訂之。旋以棄儒就賈。未竟厥志。今年八月初。邑孫至春申江畔。聞枕亞先生有紅羊軼聞之輯。因憶及允君手澤。盡屬當時實事。足以附傳。乃商諸枕亞。允爲編入。歸即檢而出之。不揣謏陋。竭一月之力。纂訂之。既成。謹書數語。以誌此稿之原委云爾。甲寅季秋男邑孫謹識

序二

客有問於余者曰。速記一冊。乃問耕氏之遺稿。而其後嗣竟爲之纂輯。得無失其本意。且非問耕氏之素志乎。余曰不然。父作子述。古聖遺訓。闡揚先德。正後嗣之責也。何乖於問耕氏之素志乎。且問耕氏當日。本欲將此稿從事修輯。有志未遂。今邑孫繼其先人之志。從而纂輯之。原稿容有傳聞異辭之處。今則悉仍其舊。正無慮失其本意也。客唯唯而去。邑孫既將其先人之稿。修飾而審訂之。擬以附入紅羊軼聞之後。因問客言。引以爲歉。余遂以客問及余之答辭。書以曉之。問耕氏諱履吉。字貞叔。余之族兄也。歲在甲寅。稽兆銓序於分綠書屋。

自序

粵軍之來吾邑也。余年僅十七。隨父兄避兵至董浜。猝遇亂兵。全家被擄。余爲承天義周昌宗所得。周以余年幼。且粗通文義。令司書寫。頗善視余。後詢悉周係廣西昌平縣人。粵軍初起時。卽被脅從。歷數年。授爲承天義。余隨之流離轉徙。朝夕無定。越半載餘。奉調至安徽之太平。駐守凡四閱月。始得稍息。居恒無事。周每追溯其自桂平被脅以來。一路所經歷。以及數年間。見聞之事。爲余詳述。余擇其可傳者。一一記之。當時亦聊以消釋思親之念而已。今已閱二十載。偶於書篋中翻得之。披閱一週。一若身在烽烟擾亂時焉。此帙成於粵軍中。故叙法恆若兩國。茲維考核其年月。按證其事實。改削其疵病。刪除其累贅之處。餘則一仍其舊云。

紅 羊 佚 聞

紅羊佚聞總目

序文

題詞

卷上

戰血餘腥錄

卷中

天京秘錄

卷下

從軍速記

附刊

金陵癸甲新樂府

總目

紅羊佚聞卷中

天京秘錄

毘陵許指嚴譏

女館瑣聞

洪氏既據金陵。乃布號施令。釐革滿清成法。有所謂十戒者。公然欲追漢劉之三章。此皆東楊欲襲前代規模。俱無足異。所異者。以所掠得之男女。隔離處之。遂籍諸女。置一所。名曰女館。揚言天父道理。不許滿城士女。相暱處。實千古未有之奇禁也。渠固言天父所命。然天王及東楊。以至凡有王號者。皆得擁姬妾。則又何說。右之者。則謂有此禁令於亂軍。淫掠之穢德。不防自絕。似亦彼善於此。然聞圍城中人傳信。語洪軍固時。時擢人眷屬者。特爲天將以上之有位號者。所聞則提其所擢者入館。而懲治其人。是禁令未必徧及也。後訪之老於太平軍中者。始知洪氏之設此禁。亦自有故。

當洪氏設教聚衆之初。本藉天主教餘緒。旁衍而側出之。教義竊取歐風。男女平等。無論老少。母妻一以姊妹。兄弟相稱。並肩握手。法所不禁。於是大庭廣衆之場。多行色授目成之事。名曰親愛。親愛者。一致頌爲美德。以故粵西老巢中之豪傑。類多兒女情長。桂林之圍頓之年餘。而不獲奏功。渠魁都携美眷營壘中。脂粉綺繡。薰籠虎子。無所不有。永安之役。始稍稍斂戢焉。然既立法於前。不能返汗於後。會東楊有寵姬者。忽爲某王所垂涎。竟投

擊谷易妻故事。結事事無礙。皆大歡喜。緣東楊格於成例。無以相難。而心憾甚。及洪氏建號。稱天王。大封從諸臣。東楊亦於此時。開特別講道會。乃借天父附身。開宗明義。發表此計畫矣。略言男女雖屬平等。而互相狎褻。實主所不喜。且主欲使爾等救世。須男女各盡其力。若互相狎褻。則必致力有未盡。轉妨害親愛之真義。自此以後。於言語握手。禮節接洽。外不許同室居處。有犯者。天王可代主懲罰之。甚者則蹈嚴刑。爾等勿貽後悔。於是出長沙。破武昌。雖亦縱掠。而三日或五日。十日安民。後則男女不得同處。軍士眷屬皆別爲一隊。連營數萬。皆婦女名曰姊妹營。或曰東楊何時可遂家室之樂。東楊答以天京奠定。神器有歸。方克弛禁。軍士稍稍傳播。衆皆希望。此一着故自漢順流而下。軸輻蔽。勢如破竹。以爲一得金陵。則目的可達也。東楊亦知江南佳麗。所俘虜婦女必多。意欲大肆漁獵。遂其淫樂。在勢自以破除此禁。要舉故初入金陵旬日間。絕無重申故禁之議。會東楊心腹侯謙方者。狡黠如狐。鬼眼皆有青色。量痕衆皆私號之曰青眼鬼。青眼鬼曾爲偵探。入金陵悅泰淮妓紅營。誓必娶之。太平軍既踐金陵。以爲必可得志。及訪之。知已爲北王韋昌輝所得。青眼鬼大恚。乃遣使矯銜。東楊命往索之。昌輝不肯與。鬼勃然曰。所不使汝空花抱恨者。不足見侯某之能力。因繩紅營之美於東楊。并數北章之惡。東楊信之。果使謂北章曰。能令吾一見當完壁。致汝北章先知青眼鬼。矯命至是。亦以爲僞託也。蓋東楊雖素有好奇色。名然在金陵未破以前。固儼然以講書自居。故北章以爲必青眼鬼所爲。益肆然不以爲意。遂答之曰。此禁樹豈可示人。設易地以觀某姬。亦可來吾府中。一供衆覽耶。某姬者。東楊所寵青眼鬼之所進云。其胞妹者是。

紅 羊 佚 聞

也。使者歸報。東楊怒。即欲遣衛兵往攻之。青眼鬼以爲不可。且恐事跡傳播。不足以服衆人。不如立法如此。彼必無奈。何而我則管領之下。囊中取物也。東楊聽之。於是復借天父降神。宣布新條例。洪氏不知其奸。遂盡諾而頒行之。

館制。統天京中婦女。約十餘萬人。分前後左右中爲五團。團如軍制。每團中以八方分隊。自東南西北至東北。西北至西南。各成一隊。或繪八卦形。乾坤震艮坎離巽兌。以別識之。每隊皆置隊長官。職如將軍。受節制於團帥。五團帥如天將。隊長下有百長。什長。各數十百人。一切號令。儀制。悉以軍法。部勒之。團帥以下皆用女官。得與東楊直接會議處置事宜。東楊以兼銜爲女館總稽察。其制實皆出於青眼鬼之手。筆令甫下。粵西舊部軍士頗譁然。東楊令間諜得其誹謗者。捕逮之。輒置極刑。北韋所寵紅鸞。竟閉入館中。旋由隊長薦升團帥。日出入東王府。而北韋之嬖僕某者。竟遭東黨訐告。指爲私入女館。處以極刑。北韋恨之刺骨。後此計殺東楊之毒。自此始矣。東楊又藉天父神語。脅洪氏盡出諸王於外。北韋亦在出中。瀕行向東王府。誓曰。不出三年。行見汝尸。餓狗彘家陷汙池也。東楊既無所顧忌。意益肆。

初館中有金陵女子傅善祥。綽有文才。東楊稽察及之。賞其才貌。擢爲中團團帥。未幾託言選拔女侍史。主簿書批判事。乃量移府中。其缺以紅鸞補代。而女稽查天王嫡妹洪宣嬌者。亦與東楊有私。忌紅鸞妖豔。乃召而詢之。曰。子知東王寵子之意乎。曰不知。嬌曰。姑無論子亦念故主否。紅曰。妾受北王厚恩。勿勿訣別。未能一盡衷曲也。

妾所以忍死相待者正欲一觀故主顏色耳。嬌曰：吾爲子謀之。北王今方在桐廬間，不日有齋密札者往，吾當爲子請於天王而遣之。紅鶯頓首感謝，踰數日，紅鶯果夜遁。東楊乃徧捕其左右參贊者及隊長等付獄，吏拷治，指爲通謀罪至死者數十人，衆皆以傳善祥性慈愛，候其來館巡按時爭求爲之緩頰。善祥允之，旋得末減罰作苦工者三十餘人，由是善祥之名譽日隆，館中無不頌其恩德。惟洪宣嬌甚嫉之。

館址當金陵城西關居民第宅四百餘戶爲之前後左右爲四門，門禁綦嚴，脫無團帥隊長之憑信而私自出入者殺無赦。男子或私探其母妻亦然。自紅鶯之遁，東府另加守門總監，每門三人日夜更番，不少休私逃之罪亦加重，輒用點天燈極刑將以震懾人心也。然尙時有逃者，逃則或獲或否，會邏者得匿名書係館中婦女投與某軍士約私遁事，既舉發株連逮治者甚衆。傳善祥輒左右護持之，大半得脫罪。洪宣嬌聞之大不謂然，立馳東府召善祥，詆詈挫辱萬端。東楊意憐善祥微露不平色，嬌益施怒，謂東楊輕己且夙妬善祥之專房固寵也，忿語侵東楊。東楊少抵牾，嬌撫髀言曰：我豈慣仰人鼻息耶？請從此絕。東楊見其恨甚，欲追謝之，嬌遽出升車去矣。越日天王果別任一人總管女館而去。東楊兼銜東楊聞之，噤曰：此誠所謂三十老娘倒紉孩兒耳。吾能受乎？遣人往探之，則新總管者洪氏之寵童，蒙得恩是也得恩，姣皙如妖女。東楊初亦欲之後爲洪氏所擢去，宜嬌愛其貌，又面首善之。東楊常怏怏不平，至是益難堪，乃日令其舊部爪牙伺察館中舉動，於是釀成大獄，而女館之局亦遂以終結。

先是蒙得恩以其嫵媚便佞之身周旋天王天妹間均得寵遇用是蠱惑之術無所不至當其未入女館時本常爲天王物色良家秀女或軍士所掠得者飾之入宮以充嬪嬙天王亟賞其能雖五虎六友無以過也及是益得恣其採掇著爲例日閱百人有恣態過人者別蓄一所以待時機進獻凡吳娃越豔皆爲夾袋中人物因得於其間烹鮮染指女子之遭其荼毒者不知凡幾而館中前例之森嚴破壞殆盡相傳彼有容成素女秘術雖鴛乳燕無不入移春之檻若既經瑕玷之壁但令一施手術無不立成完璞潔白無疵是以儘彼淫縱無度天王絕不疑之即優遊於宣嬌之間亦未嘗稍呈破綻也顧館中正多懷貞履潔抗志不甘受污者得恩憾之輒借他事肆其酷虐有女子趙碧城者秀曼殊色向隸刺繡館中爲女教師負針神之譽與傳善祥爲文字交善祥爲之調護於東楊之左右因得保全其志節東楊雖漁色然以愛善祥故頗能信用其言又見碧城端重高潔知其非能媚己者故遂置而不問碧城因得帖然無寵吠感悅之憂凡宮中繡龍緞及各種屏帳裙褥等無不取之館中其次則東府之衣裙繁飾亦皆碧城所掌洪宣嬌曾愛其人欲令拜爲義女碧城唯諾遷延卒未嘗如其意也宣嬌銜之目爲善祥黨久思有所中傷忽一日蒙得恩召之入密室云商權天王新製龍衣事洪氏故事以黃緞繡龍爲帝服適值慶祝千秋之期將備新製以邀天眷故特召碧城議作法碧城不疑也無何碧城顏色憤怒忽忽而出而得恩請假不蒞事矣越一日錦衣使者率緹騎來徧捕刺繡一部人下詔獄云有謀逆大不道案發現諸女皆皇皇手足不知何措既入獄又不卽訊鞠始覺程犴之苦較居館爲更甚也碧城以領袖別繫東王府獄命東楊

審訊東楊卽令丞相某君爲之碧城極口呼冤謂並非通情之證據善祥爲之請於東陽大約碧城可勿坐而疑似數人概與縲首極刑讞定矣突有中使傳命告東楊曰王之欲保全此妖女固亦好生之心但按其實迹則萬無末減之理王亦曾一聞彼之所爲哉東楊問故中使者曰昨有蒙丞相奏稟至并贓物纍纍皆錦繡之冠帔衮衣而裂縫以便人觀覽者天王驚問何爲則片片吳錦頗染杜鵑之血斑斑湘竹疑翻鴻溝之潮蓋不獨以冠直履耳且公然以婦女之穢私縫入褚中而作爲不知也者殆將恃爲壓勝也事既爲同館人所發刑官於三日內歷數彼黨之稔惡極刑者二人縲首罰徒作者又數十人讞獄已定不復改移幸東王勿爲所蒙逆徒罪大惡極不可復留也東楊聞言甚表同情惟以善祥故特爲碧城祈請免死蓋原讞固應凌遲也中使返命洪氏先入蒙得恩言促典刑者卽日駢誅碧城僅得降凌遲一等已身首異處矣東楊大恚幾與天王大起衝突蓋東楊擅權已久一旦處之掣肘不覺頓生取代之心由是抵牾益甚

東楊既惡蒙得恩盤踞女館致已無可問津而傳善祥向持女館可廢之議目的頗堅日夜伺推翻之機會而於宣嬌與蒙得恩之行爲尤爲刺骨漸訪得蒙之曖昧淫毒俱以告東楊且曰不去女館此禍終不可止也妾觀三年來度支糜給歲費數十萬金徒養此十餘萬無用之女子此種愚劣政策實千古所無而闔城之人含王侯將相有顯職者外上自官吏下至工農俱不免鰥魚與歎怨戾之氣鬱爲荒歉卽古人所謂陰陽不和雨澤不降也今大王果能獨斷獨行恩綸立沛令館中婦女各與軍士爲配偶願尋故劍者聽之如是而大王之功業益隆人

心益固。彼區區太平位號。豈足慕哉。東楊大悅。於是復借天父立說。逼洪氏畫諾。而一俟旬間。使四百餘戶之巨館風流雲散云。

女館雖多弊竇。而不以治容招禍者。安然可保。旦夕即擇配。命下彼嬌兵悍將。如餓虎貪狼。大肆淫毒。有勢力者。輒擁十餘人。以歸於中人以下。及三十以上之婦女。俱無幸免之理。所恃者懸梁投井。與服毒數事而已。清代官書謂女館分配之命。下賊曾各占其有殊色者。多至數十百人。雖位卑者。亦不減十餘人。雖非實錄。而當時亂點鴛鴦。顛倒鴛鴦。致數年來全貞守潔之婦女。盡遭浩劫。則確有此情事也。相傳洪氏受東楊之請。意不欲施行。謀於丞相何震川者。震川言糜費天庠之巨金。以善養此無用之婦女。萬歲何取。而爲此。且聞東府恆遣其心腹至館中。索賄或選其有姿者。充下陳。是留之適足爲東府財色之淵藪也。臣心以爲不如罷之。洪氏意始決。當女館遣散時。洪氏以蒙得恩。與天妹宣嬌爲判合總司。令東楊則以傳善祥與侯謙芳副之。蓋東府爭權事。欲與天王埒。設有不順。輒借天父附身。以抵制洪氏。故洪氏無奈。何然意深憾之。異日族滅之禍。實積於是也。時善祥主張恪守教義。令有保證確係一夫一婦者。始與之。且略考其才貌性情之高下。剛柔而爲之撮合。宣嬌不然。聲明須重賄。凡納金多者。得美婦。不問其已有妻妾及人品優劣。若何也。善祥面爭其非。宣嬌老羞變怒。而批善祥之頰。善祥泣訴於東楊。遂不復出。而視事由是配合之權。悉操於宣嬌。婦女之被毒者。遂無幸免矣。自女館散後。未踰年。東楊敗善祥殉焉。宜猶命發其屍而焚之。且言曰。子尙能助妖女斥我索賄否。

風倒東園柳本事

紅 羊 佚 聞

自古權臣震主必不能以功名終況洪楊均爲首事之梟傑楊之心計才力尤駕洪而上之宜其身遭慘禍矣然鳥未盡而弓已藏冤方逐而狗早烹洪氏之失計亦甚焉名器假借於前情勢逼處於後遂至鑄成大錯論者咸謂權力相敵實其致命之原因蓋洪氏本與楊約爲兄弟又因神道誡教之故惟楊得與於秘密之行動秀全稱天父天兄楊卽利用其旨身自爲巫雖叱令洪氏長跪洪氏帖然受命以取信於衆積威之下不得不陽尊之以安其心故東王之倖制位號在諸王上至洪氏萬歲而楊稱九千歲其勢固足以匹敵自都金陵又令洪氏深居簡出端拱無爲而自操一切權勢支配諸雄桀其制度純爲演義小說上之理想結撰實爲古來歷史所無此固敗亡之總原因也而其曲折演成此惡劇者則大有異聞在外間議論及官書紀載猶不足盡之初洪氏本無與楊交惡意惟楊以女館事糾葛挑諸王怒竟逐諸王於外洪氏心始不平而宣嬌之譖訴與北韋之讒構實其惡感之所由深也楊之私於宣嬌爲時最早蓋在未適西王蕭朝貴之前及西蕭以長沙之圍死於砲宣嬌遂寡其時楊已姬妾滿前宣嬌頗不欲與之續舊歡而楊以宣嬌孤鸞可悔刦而賜之遂溫舊好金陵旣奠東楊竟托言治病請以宣嬌當按摩調護之任天王亦坦然許之不以爲嫌也無何楊寵善祥至專房視宣嬌色衰不能如前之狎暱因起齟齬遂致衝突宣嬌泣訴於洪謂彼竟薄手足（楊洪本以兄弟稱）而信妖女當衆侮辱予舊情悉付流水予不能堪此誓死必有以報洪氏勸慰之且陰囑壁童獻媚以悅其意故豪得恩爲面首

洪氏明知而勿責也。會與東楊議事。從容諷以手足舊誼。正當竭盡歡好。不宜以疎間親。東楊默然。越日竟借天父降臨。斥宜嬌之隱慝。斥使長跪。自責至洪氏親爲求懇。而後釋焉。自是洪楊間之私怨益深。而尙未及公事也。會北韋以爭紅黨事。觸楊怒。爲楊矯命。所逐韋至皖江上疏。數楊罪惡。洪匿其疏。楊微聞其事。案疏閱。勿與也。請逮韋。亦弗許。楊大怒。幾致咆哮。會紅黨輾轉至韋營中。歷訴楊之驕橫很戾。且呈可取狀。韋因得密通洪之國宗仁發等。詳陳楊之不可復縱。洪氏爲之動容。以告天妹宜嬌。宜嬌願爲內應。於是圖楊之志始決。而爆發之機則尙有待。

清咸豐六年秋間。楊挈善祥出巡。陳儀衛張旂幟。擬於法駕。威儀甚盛。其前則雜以傀儡之戲。鉦鼓笙歌。節之宛如各鄉城隍神賽會狀所過處。亦許人民縱觀。但不得橫衝儀仗。而過犯者必捕入禁錮之科。以數十至數百元之罰金。有時或竟殺之以故。東王駕過。人皆相率引避。惟在廡下樓邊遙相矚望而已。是日前導忽有人橫衝而過。矚從左右急捕之。疾如飛。竟由人家垣下躍登屋頂而逸。楊命幹役入其家搜捕之。無所得。盡逮一家男女入獄。將科以隱匿罪。忽覺輿中有一小紙飛入。展視之。不能盡識。即識亦不能解其意。蓋楊雖畧識字。胸中實猶茅塞也。以示善祥。善祥諗曰。此似詩而實謠。實從何來。乃致入輿。此中有懺語。意似不佳。楊使誦之。乃「風倒東園柳。花飛片片紅。隱洪莫言橙。隱陳玉成李。隱李秀成」好。秋老滿林。隱金陵空。楊雖不甚解詞意。然聞倒字空字。深知其不祥。不覺勃然大怒。命大索三日。終不可得。因殺輿夫。及是日值役者以洩忿。

善祥諫曰：此必諸王被逐者之黨羽所爲。徒殺麾下健兒，何益？且多殺疑似之人，以重部下之畏懼，使吾黨人自危，不亦中彼黨之計乎？妾聞諸王廣購劍術技擊之士，將甘心於吾黨，竊願大王計防其漸，勿悻悻示人易測也。楊性多忌諱，不喜直言。聞善祥此語，意頗不快。惟夙愛善祥，亦不加罪也。自是快快者累日，殺人之念爲之稍減。

當洪、楊意見漸深之際，太平軍中舊黨多半離洪而遠。楊其故由於迷信天命，以洪氏早有真命、帝主之說傳播人口，不可背叛。天道者半而洪氏，如村嫗能以小惠及人，楊則威權嚴密，持嶮法相箝制，人皆畏之如虎。因願托洪以求庇護者亦半也。既有此兩種善念，於是楊氏之勢日以孤特，畏其精悍而不敢發。楊方恃其察察爲明，與天父附身之兩要訣，絕不以他人圖己爲意。雖有匿名書一動其念，然不勝其自信自尊之故，智未幾而遂忘之。故其假天父作威福，揮斥諸會目空一切，迄未稍改。曾有指揮官魯恭敬者，本北韋麾下人，洪氏遣之往韋營中，已而復私返天京，實爲傳遞秘密消息計。洪氏固知之而不令秀清知也。魯有妾頗美，以魯常外出爲其童某所私，魯適歸，形迹敗露，魯拔劍追童，欲殺之。童即遁入某天侯室。天侯固楊之爪牙也，得童匿之，愛其姣好，令充龍陽之選。童曲意媚之，侯大惑失志，因問魯之舉動。童詳以告，且故爲信口開河，以證實其秘密。侯大詫曰：彼奉命從征而可來去自由耶？童曰：彼自云奉天王密旨，雖東府無如我何也。侯笑曰：妄人竟敢蔑視九千歲，吾見其性命家室之不臘矣。即日往報於楊，楊大喜，立賜天侯爵爲王。乃命部下軍士往搜魯宅，果得魯，且獲其爲北

章與洪氏秘密疏奏中有刺目語楊一一取藏之暫不露布而聲言魯某受命私返視軍事如兒戲實背天父之意旨宜置極刑遂不待天王發令即以東府手敕令典刑官處魯某極刑其行刑地卽東府設獄處也魯某呼冤求贖不之理竟用點天燈刑取魯某襯衣裸體自頂至踵纏以棉紙浸以麻油外復塗松脂白蠟等宛如一枝巨燭然後倒植地上舉火燃之其始尙能呼號慘如鬼哭及燃至脛股以上聲息漸微至少腹若無聲然時一呼叫至心坎而後氣絕焉魯某既被刑後三日天王始知之遣使詰問楊答以魯背天條臣弟已辦之矣洪氏召而語之曰弟辦此逆臣甚佳但兄不及知以後將何以統一天國主權楊曰天父以兄勤勞恐致疾病偶命臣弟辦事一次耳何足爲異若統一主權自仍在兄之手非臣弟所能奪也洪氏無奈何反乾笑而止

是時清軍之所謂江南大營者忽生變動則向忠武之病故是也洪氏自據金陵後卽爲向軍所扼東駐孝陵衛以次合圍太平軍頗無如何及是聞向有疾軍餉多不繼東楊乃命羅大綱賴漢英出擊三戰皆捷大營潰向忠武受傷頗劇不得已退保丹陽未幾以創發遽卒太平間牒得之報於東楊以爲此莫大之功皆由己出也甚至傲然謂洪氏曰若聽兄計困守孤城安能殺此巨勇之妖魔哉蓋彼等皆以向忠武之死由於擊敗耳洪氏意不能堪然終無併吞意以東楊狡才可用且其功自不可滅故特優容也惟秦曰綱羅大綱賴漢英等不平立誓相結以扶植洪氏爲忠義賴漢英者天后賴氏之弟尤與洪氏密切者也東楊亦知彼等之異已欲因事除之未得間羅賴勸洪氏爲先發制人計而洪氏慮羅等勢力薄弱不足以傾楊躊躇不能決漢英始進計曰臣爲天國根

本計不敢不一言。東王楊氏有開國大勳，故特優以位號。至在諸侯王上，情則等於手足，不可謂不至矣。今東楊之意，乃不然。以爲吾尙有一人在上，則吾欲不可肆；吾必令肆，吾欲則吾不可不去。在上之一人，於是其跋扈之迹，不臣之心，日以加積。至是時而已，勃不可遏，故擅殺大將，獨調衛軍，且大庭廣衆，間專恃兄弟之稱，絕無君臣之理。此雖天父所命，而彼之驕心浮氣，必非天父許之使然也。天王若不早圖，彼必漸除忠蓋之臣，腹心之士，以自便其私圖。迨其羽翼已成，勢力漸固，雖欲制之而不可得，悔無及矣。若欲制之非及此時，不可。洪氏曰：朕亦知之。然彼柄政久守，城軍士大半爲其舊部，僅卿等二三人謀之，豈能有濟？若其畫虎不成，多生枝節，吾輩將何以見江東父老哉？無已，朕惟有召北翼二王爲主體，而卿等助之，則庶足操勝券而有餘矣。然無故召回東府，卽先生疑將若何？賴等進曰：此何難？今妖兵失勢，不日傾覆，吾天軍正可席捲東南，恢復漢人故土，蘇常一路安可無重臣統兵？天王第下詔言欲令二王來天京會議，議定卽令出發，則東府知並不留二王於京中，於彼之權利絕無損失，彼自不橫生阻力，而陛下固得相機行事，何患不濟耶？天王大悅，計始定。

東楊雖狡黠如神怪，而驕心中之視羣類中皆無足與己爲敵者，又自恃功高，天王必不奪我爵祿，故自信不疑，仍矜翺奢，譬如故無何偶值宮中朝賀，侍御皆呼萬歲，東楊慕之歸而謂部下腹心曰：以吾之功業，寧遂不值呼萬歲耶？而必斬我一千此九千歲之名不佳，吾必不復用衆，皆唯唯。旋侯謙芳等宣言：東王功業與天王埒，我等宜加徽號，呼萬歲，東黨皆曰：諾。會武昌復陷，太平軍中皆稱賀，是時朝中亦大開慶賀，禮諸王侯天將等已舞蹈。

於洪氏之前復至東府申賀意蓋故事楊特受殊禮僅稍亞於洪氏如他王侯須稱臣稱跪而楊對於洪則僅稱弟稱立而已凡軍中上事天將等告於王侯例稱稟報惟對於天王及東王俱稱稟奏其餘禮節漫然無別者儘多所存爲告朔餼羊者獨萬歲及九千歲之階級而已至是楊竟毅然破除之是日百官入拜儀衛森嚴過於天宮侍衛軍士旁列刀戟爛然諸王侯莫不肅然起敬方及階正欲齊呼九千歲忽兩旁大聲迸發居然作嵩呼大典萬歲二字至爲明瞭於是諸王侯氣懾心動萬歲之聲亦不覺脫口而出舞蹈既畢一切儀注亦復稍稍偕越總之爲第二之朝廷焉既散諸人莫不驚異於是屬於洪氏黨系者爭訴於洪一日天王與楊計事正色問曰弟亦萬歲矣將置愚兄於何地楊冷峭作聲答曰天兄獨不可萬萬歲耶洪遂默然賴漢英等大憤勸天王立召二王且密令二王先以奏書諂媚楊心翕然稱萬歲楊果不阻二王至先往東府稱賀而後入朝楊乃特爲二王設宴北章謂翼王石氏曰彼黨羽衆多非預備惡戰不可吾意須伏甲士萬人於宅後約定信號始可行事石氏曰東楊果有功於太平天朝者也特以跋扈不臣於義不得不誅之至於其黨但誅一二魁桀不順命者已可安得盡事屠戮吾意刺殺楊氏後但搜得侯謙芳等數人了之因宣告於衆謂罪人斯得其餘但忠誠歸順天王皆一家兄弟也則反側子心可帖然矣北章曰吾向聞東黨桀悍者頗多一旦推仆其首領則此趕趕者心豈甘服若姑息而羈縻之暫時固可相安獨不慮養癰貽患乎且彼之眷屬養子等苟不盡誅吾族又烏得一日安先生休矣勿以慈祥賈禍石氏猶爭執不已北章曰當行事之日我辦其內而君主其外何如石氏始首肯以爲己既